

**ՀՈՎՀԱՆՆԵՍ ԱՍԱՏՈՒՐԻ
ԴԱՐԲԻՆՅԱՆ**

*Խմբավար, քառահար,
Կոմիտասի անվ. ԵՊԿ պրոֆեսոր*

**Մի
նկարի
պատմություն**

Կոմիտասի հանրահայտ «Կալի երգ» խմբերգի հետ կապված հիշում են հերկյալ դրվագը: 1968թ-ին, երբ որպես երգիչ արտիստ էի Հայաստանի երգչախմբային ընկերության երգչախմբում, մարտի 7-ին մեզ այցելեց Երևանում հյուրընկալվող արգենտինացի փառանդավոր կոմպոզիտոր և դիրիժոր Ռոդրիգես Ֆորեն: Հանդիպման ընթացքում նա խնդրեց հայկական ժողովրդական մի երգ կատարել: Երգչախմբի գեղարվեստական ղեկավար Թաթուլ Ալթունյանի առաջարկությամբ, խմբավար Գրիգոր Սանդալյանը ղեկավարեց Կոմիտասի «Կալի երգ»ը, մեներգեց՝ Հակոբ Ավետիսյանը:

Կատարման ավարտին Ռ.Ֆորեն, հուրնկալու, երգչախմբի առջև խորը խոնարհվեց և ասաց. «Ես այսպիսի երաժշտություն երբեք չեմ լսել»: Սա Կոմիտասի երաժշտության գնահատանքն էր արգենտինացի անվանի կոմպոզիտորի կողմից: Այդ հանդիպումից մնացել է մի խմբական լուսանկար, որ սիրով պրամադրում են ընթերցողին:



Հայաստանի Երգչախմբային ընկերության երգչախումբ, գեղարվեստական ղեկավար ՍՍՀՄ ժողովրդական արտիստ, ԵՊԿ պրոֆեսոր Թաթուլ Ալթունյան, Երկրորդ շարքում ձախից յոթերորդը՝ Ռոդրիգես Ֆորեն, Գրիգոր Սանդալյան, վերջինը՝ Հովհաննես Դարբինյան, 1-ին շարքում աջից չորրորդը՝ Հակոբ Ավետիսյան